

夥拍型男主角 薛家燕流口水

母子檔拍廣告 团团再做導演

■家燕姐月尾將榮升嫻嫻。

薛家燕月尾將榮升嫻嫻，BB未出世已經好好腳頭，帶挈嫻嫻與爸爸Jackson接了一個果汁廣告，由爸爸執導，嫻嫻做女主角！Jackson更請來6呎嫩口型男做男主角，講起同型男掂手仔，家燕姐都忍唔住「流口水」。



■家燕姐與嫩口型男合作，成個人青春晒。

談到今次拍廣告，家燕姐要狂灌果汁落肚：「起碼飲咗3支果汁，搞到成日去廁所，但我鍾意飲，拍完剩番啲我都話唔捨得倒咗去，留番之後飲，所以越飲越多！我平時都鍾意飲果汁，仲要係無添加，而且free嘅梗係飲多啲啦！」

再次母子檔合作，家燕姐覺得团团Jackson嘅要求一次比一次高：「今次拍得幾開心同順利，導演Jackson一早做好晒準備工夫，所以準時收工，不過佢要求好高，上次要我做Captain Nancy打成十幾廿次，今次佢嫌我飲果汁飲得唔靚，話要做啲誘人動作，我都唔知點解要誘人，所以要問吓監製即係Justina（家燕姐大女珊珊），佢兩個度好晒，有晒storyboard，話係客户要求嗰。」

因疫情與男友天各一方

至於今次同型男合作是否令她回春？她笑說：「個partner叫Daniel，

有型又識做戲，因為廣告要表情十足，佢又做得幾好，睇番play back發覺我哋幾襯，我直情成個青春晒。」問到有冇掂到型男手仔？家燕姐笑指：「手仔？有冇掂到呀？um眼神呢……哎呀，眼神呢……流口水添，眼神好多接觸，手仔就應該冇掂到。（你隔咗幾耐冇掂過男仔手仔呢？）唔係好耐啫，我成日同人握手嘅，哈哈！咁拖吓手仔都係禮貌嘍，你知我隨和，又充滿偉大概愛，如果真正拖手仔呢排就有喇，因為疫情關係，大家要天各一方，唯有靠手機同電腦傾偈，希望可以快啲拖到手仔啦！」

家燕儀孖愛犬撐動物

一向愛動物撐動物的袁詠儀，最近參與一項動物守護社區大使計劃，她並在社交平台分享與愛犬阿金一齊做平板支撐運動的短片，以支持這次「我撐動物挑戰賽」，她並留言：「原來同狗狗一齊做運動好難，大家可以試下同你嘅寵物一齊做平板支撐，一齊愛動物！」



邊睇劇集
邊自言自語
唸對白

阮兆輝支持粵劇多作嘗試

「第十五屆香港藝術發展獎頒獎禮」將於5月30日舉行，大會邀請不同藝術與文化界代表接受訪問，作為頒獎禮前奏。今集邀請阮兆輝及劉惠鳴（鳴姐）暢談近年粵劇發展，輝哥認為粵劇是全中國384種劇種內最不保守的一種，歐西流行歌曲都在台上唱過，或許有點雜，但作為嘗試無妨一試，只是不能沒了自己的東西，所以

一定要有人去做保守，保守與嘗試兩者沒衝突。

輝哥除了在YouTube開設頻道為粵劇開拓空間，更到學校講學，「跟學生尤其小學生說，可以暫時不喜歡粵劇，但要知道有粵劇這文化，因為當別人問到時，若說不知道這藝術會很醜，就如日本人不識能劇、意大利人不知有歌劇，他們會覺得醜。」



■阮兆輝與劉惠鳴暢談粵劇發展。

介紹休息站美食 楊千嬅超興奮

楊千嬅最近穿梭內地多個城市工作，經常要坐長途車，她表示已開始習慣這種工作模式，也將工作旅行變旅遊，所以車程中途經一些休息站，她都特別興奮，除可下車舒展一下，還會逛各攤檔美食，更拍下短片示範於服務區該怎麼吃。她另一重點是找夠乾淨的廁所，有次更差點錯入男廁要即時掉頭走！



谷婭激 勤學廣東話被誤聽線

施匡翹、谷婭激、譚嘉儀及龔柯允等前晚為《勁歌金曲》錄影。施匡翹在「金榜預測」環節中獻唱新歌《康復期》，問到可擔心節目上遭批評？她坦言心情既緊張又期待：「作為新人係需要多聽真實意見，上節目前好多朋友都問我驚唔驚聽完點評會喊，我希望自己唔會喊。我對自己歌藝有信心，歌曲監製舒文都有教我唱歌技巧，同埋我之前都邊做瑜伽邊練唱歌，重複練習來練氣，希望以最佳狀態演唱。」

谷婭激則與龔柯允合唱彭羚的經典歌《來讓我跟你

走》，她坦言難度在於廣東話，綵排時不停唱錯幾個字，要不斷死記。她認為要不斷練習才會有進步：「我唱歌咬字比講說話好啲，平時主要都係睇劇集同讀報紙去學廣東話，我會一邊睇劇集，一邊跟住讀對白，好似自言自語咁，屋企人以為我聽咗線。」谷婭激不諱言廣東話是她發展唱歌事業的最大障礙，故她要很努力去學講，因語言很重要，如果講不好就不行，現會提醒自己慢慢講。對於節目中的點評環節，她笑言有興趣參加：「可以試下男人評唱功，因為肯定會有人鍾意同唔鍾意自己，如果係中肯意見我會接受。」

■施匡翹對自己的歌藝有信心。

■谷婭激（左）與龔柯允合唱彭羚的經典歌。

